

山川志

古者天子祭天下名山大川諸侯祭封內山川山川者國之望也

聖朝祀典州縣有山川壇春秋致祀厥惟重哉作山川志

夔州府

奉節縣 附郭

卧龍山在縣東北五里武侯屯營於此上建諸葛祠因名有泉清冷采黃庭堅行記天水張茂先世克南昌黃庭堅魯直弟叔向嗣直建中靖國元年三月丁卯同來

夔州府志

卷六

山川

時左縣道人思順開法席於此山道俗歸心荆棘草萊

化爲金碧新雨晚晴同登中閣觀白鹽之崇嶮想杜少陵之風流歎大雅之不作衰回久之魯直書 宋劉均國王十朋閣

蒼舒李壘黃人傑皆有行記查籥丁謂王十朋梁彭州皆有詩

白帝山在縣東十三里高聳特峙與赤甲山相接公孫

述據蜀有白龍自井出故號曰白帝城 按後漢書公孫述都成都府內有井出白龍因自稱白帝則白龍不在

夔州矣然公孫述好爲謠言惑衆成都白帝倉出米公孫述之謠言也此地舊名赤甲城公孫述改名白帝城



安知不更有謠言而史未載乎

羊角山在縣東十餘里下臨大江

赤甲山在縣東十五里水經注作赤岬山舊志山高峻不生草木石皆赤故名華陽國志戰國時楚置扞關於赤甲城或謂漢取巴人為赤甲軍屯兵於此又謂古魚復縣即此 宋范成大王十朋有詩

白鹽山在縣東隔江十七里崖壁五十餘里其色炳耀狀若白鹽與赤甲山夾江對峙即所謂夔門也水經注廣溪峽乃三峽之首山上有神淵淵北有白鹽岸高可

夔州府志

卷六

山川

二

千餘丈俯臨神淵土人見其高白故名天旱燃火推其灰燼下穢淵中則降雨張璠書赤甲白鹽四大字於上寰宇記白鹽山在州城澗東山半有龍池天旱燒石投地鳴鼓其上即雨 唐杜甫劉滄宋王十朋皆有詩陸游有歌

麝香山在縣東南隔江四十里府志山有挹翠亭白居易嘗遊此今有香山寺 唐杜甫有詩明楊慎有歌

石馬山在縣東三十里山下即石馬河舊有石馬後沒邑紳王士豪鑄石補之

文山在縣南十三里隔江對峙一峯秀拔為郡之案山



也其左爲天馬山

勝己山在縣南十二里江上峯巒疊秀此山巍然獨出衆山之上或以爲宋郡守王十朋名之然王十朋有勝己山詩自註云勝己山有易名已勝者見圖經則勝己之名固不自王始也

七曜山在縣南二百里縣延直抵湖北施南

慈容山在縣西南一百四十里又金子山在縣南二百里與湖北施南接界

相公山在縣西一里

夔州府志

卷六

山川

三

官口山在縣西二十里二山雄峙層疊奇秀

象鼻山在縣西北三里

九盤山在縣西北十五里形似九曲相近又有佛靜山

三台山在縣西北二十里峯巒三疊如三台之象

天門山在縣北十五里

豕頭山在縣北十五里

真武山

新舊志皆無考宋王十朋有詩

文筆山在縣東南隔江三里峯尖如筆故名

走馬嶺在縣東北十里與白帝山對面尾連關廟沱



長松嶺在縣北五十二里上多古松冬夏饒風

蓮花峯在縣西北五里上有蓮花池

得勝岡在縣西北舊有武安王遺迹建廟其上宋王十朋詩并序登得勝岡謁關武安王廟有泉一泓俗傳官兵至此無水拔刀刺地泉隨而湧廟西有磨刀溪北有晒甲崖詩云得勝名岡蜀虎臣氣吞吳魏失防身磨刀晒甲遺踪在英魄猶能敵萬人

老虎坡在縣西八十里形貌如虎勢極險峻

灩澦堆在縣東南十三里當瞿唐峽口水經注白帝城

# 夔州府志

## 卷六

山川

四

西江中有孤石爲淫預石冬出水二十餘丈至夏則沒峽人以此爲水候瞿唐關西門對灩澦堆堆碎石積成出水數十丈土人云方夏秋水漲時又高於堆數十丈昔歲旱石露大半有三足形如鼎又樂府云淫預大如馬瞿唐不可下淫預大如象瞿唐不可上灘頭白渚堅相持倏忽淪沒別無期孝子傳云庾子輿扶父柩過瞿唐六月水泛子輿禱而遂平旣過泛溢如故人歌之曰淫預如牛本不通瞿唐水退爲庾公寰宇記灩澦堆周圍二十丈在州西南二百步蜀江中心瞿唐峽口冬水



淺屹然露百餘丈夏水漲沒數十丈其狀如馬舟人不敢進又曰猶與言舟子取途不決水脉故曰猶與諺曰灩澦大如襍瞿唐不可觸灩澦大如馬瞿唐不可下灩澦大如鼉瞿唐行舟絕灩澦大如龜瞿唐不可窺成鋪水則開封成鋪子韶寄瞿唐關懷安蹇渥澤民成都郭公臨舜卿東去過高齋覽形勝遣人撐舟垂繩墜石則灩澦之水約八十四丈子韶曰夏中江漲灩澦上水猶三十餘丈可想見矣澤民之子慶胄侍淳熙乙巳正月二十五日

宋蘇軾薛紱明陸深郭棻俱有賦唐杜甫張祐宋蘇轍范成大王十朋明吳禮嘉俱有詩

山川

# 夔州府志

## 卷六

五

南鄉峽在縣西五十里永經注江水經南鄉峽寰宇記南鄉峽在縣西四十七里盛宏之荊州記云南鄉峽西八十里有巴鄉村善釀酒故俗稱巴鄉酒村旁有溪溪

中多靈壽木

按寰宇記言南鄉峽在縣西四十七里下引輿地志言永安宮有南鄉峽未知孰是

瞿唐峽在縣東十三里禹鑿以通江水經注江水東徑廣溪峽乃三峽之首其間三十里頽崖依木厥勢交錯有瞿唐黃龍二灘夏水洄沸沿沂所忌寰宇記瞿唐峽在州東一里古西陵峽也連崖千丈奔流電激舟人爲之恐懼府志瞿大也塘水所聚也又秋冬水落爲瞿春



夏水漲為塘舊名西陵峽乃三峽之門兩崖對峙中貫

一江灑灑當其口明王嘉言有記唐楊炯白居易胡浩鄭谷孟郊俱有詩杜甫詩并歌梁王

周詩并序宋蘇軾蘇轍宋肇陳謙李石杜曾陸游俱有詩范成大詩并序明孫蕡周洪謨安磐俱有詩

國朝高層雲孫元恒張行懿樊澤達俱有詩

大江在府城南即岷江一統志自忠州流入東北逕萬

縣雲陽奉節巫山四縣南又東流入湖北巴東縣界

大瀼水在縣東方輿勝覽千頃池一道南流為西瀼水

明統志大瀼水在府城東自達州萬頃池發源經此流

入大江舊志在縣東一里按輿圖此水源出太平廳分

夔州府志 卷六 山川 六

水嶺曰分水河東南流三百里許至府城東入江

清瀼在縣西二十里即白崖口溪入蜀記山澗之流凡

通江者土人皆謂之瀼

東瀼在縣東水經注白帝城東傍東瀼溪輿地紀勝公

孫述於水湄墾稻田號東屯

國朝宋琬有詩

陽元水在縣西水經注陽元水出陽口縣西南高陽山

東北流經其縣南又東北流丙水注之發源縣東南柏

枝山北流入高陽溪溪水又東北流注於江謂之陽元



口此水舊志無考今輿圖縣西南有五龍老馬二溪東北入江疑卽是

龍洞溪在縣西八十里源出白海壩南流入岷江永經注巴鄉村村人善釀俗稱巴鄉清郡出名酒村側有溪溪中多靈壽木溪中有魚其頭似羊豐肉少骨美於餘魚溪水伏流經平頭山內通南浦故縣坡湖其地平曠湖澤中有菱芡鰱雁皆入峽所無輿地志永安宮有南鄉峽峽西八十里溪此是龍洞溪善釀酒之村也名勝志龍洞溪卽今之龍窠候館

夔州府志

卷六

山川

七

相公溪在縣西三里溪濱有寇公井故名夔諸水惟此水烹茶最佳相近有三岔溪取和夔麪甘美又有和豐溪在縣西一里安陽溪在縣東二里南流入大江

螞蝗溪在縣北舊引流入城供民汲飲

清涼溪在縣東十三里瞿唐峽上

蓮花溪在縣西北十里宋乾道中有周升亨字行可者爲夔運使鑿池北嶺上種蓮舊志以爲周濂溪所鑿誤魚復浦在縣東南二里漢魚復縣以此名卽八陣圖下之沙洲也又名磧埧古名八陣磧地志夔治魚復灑瀨



風濤電射巨魚卻而不得上故名曰魚復浦也

唐劉禹錫有詩

天池在縣西北十五里出磨臺山泉水湧出浸可千頃

唐杜甫有詩

聖姥泉在縣東入蜀記瞿唐峽有聖姥泉石上一罅人

呼於旁則泉出屢呼則屢出亦異事也蘇舜欽聞見雜

錄夔峽將至灩澦堆峽左岩上有題聖泉二字泉上有

大石謂之洞石而初無泉也過者擊石大呼則水自石

下出予嘗往焚香俾舟人擊而呼之曰山神土地人渴

矣久之不報一卒無室家復大呼曰龍王萬姓渴矣隨

# 夔州府志

## 卷六

山川

八

聲水注時正月雪下其水如湯或曰夏則如冰凡呼者必以萬姓別以龍王則水出

劉封井在縣西蜀記漢昭烈養子劉封以退縮敗軍昭烈用鼓囊之自山頂滾至平地鼓止處湧出泉水因名今在開元寺前一說劉封所鑿

鹽泉井寰宇記八陣圖下東南三里有一磧東西百步南北四十步磧上有鹽井五口以木爲桶昔嘗取鹽卽時沙壅冬出夏沒舊志七泉井在夔府東江心八陣圖下水可煮鹽下溫井上溫井在龍脊灘南方輿勝覽鹽



泉有絞筵引泉踏溪每一筵用一筵歲十月旦日以新  
易陳有司作樂以臨之井民相慶謂之絞筵又石甕山  
下井六曰南井西井北井石渠井浣沙井土窩井舊唐  
志奉節縣有永安井唐李貽孫夔州都督記白帝城之  
左五里得鹽井十四通志今縣東南三里江濱沙磧有  
井四五口夏秋水沒春冬始見井水泛沙而出味鹹俗  
呼臭鹽井在八陣圖下與龍脊灘相近諸說七泉上温  
下温及鹽井五口卽此也唐杜甫負薪行夔州處女髮  
半華四五十無夫家更遭喪亂嫁不售一生抱恨堪

夔州府志

卷六

山川

九

咨嗟土風男坐女使立應當門戶女出入十猶八九負  
薪歸賣薪得錢應供給至老雙鬢只垂頸野花山葉銀  
釵並筋力登危集市門死生射利兼鹽井面粧首飾雜  
啼痕地褊衣寒困石根若道巫山女粗醜何得此有昭  
君村宋蘇軾詩五行水木鹹安擇江與井如何不相入  
此意誰復省人心固難足物理偶相逞猶嫌取未多井  
上無閑綆

惠民井在縣東一名義泉方輿勝覽源出卧龍山又名  
觀音泉何宇度談資夔城無井官府軍民咸取汲於江



雖治井亦不能貯水府治後僅有一泉自山頂流下四時不竭因而引入治內鑿池以貯之亦不能多分別派舊志在府治後城內原無井諸葛武侯嘗以竹筒引山水入城後人或用木甕宋紹興中郡守張稅改用瓦筒甃三井以瀦水曰惠民乾道中王十朋以國有權水錢遂罷之嘉靖中郡守張廷柏尋瓦筒舊迹西北自侯家嶺西南自三岔溪經十餘里引水入城注以十池曰利民文德武功化龍漾翠通濟注香揚清太平留潤民受其利名爲張公井未幾廢後守許宗鑑濬舊池八處自

夔州府志

卷六

山川

十

翟家坪江家坪引水會於張公井利濟甚溥至今賴之國朝知府胡期恒杜樞先後重脩石礮以後歷任補脩今從正西以竹筧引入府治爲化龍舊池分引城西北隅爲注香舊池俗名大水井從正北引入協鎮衙內爲武功舊池又引入小東門內爲潤澤舊池俗名老填池又從正西引入小西門內者爲利民舊池餘俱淤塞居人多從大江取水宋趙奭之記北客宦遊巴蜀歷三峽之險而抵永安故區地勢近瘴雨見盛夏官居民廬皆在山麓鑿地數百尺而不及泉故市無井里無醫客患之而



勉同而人飲諸瀼水苦滓穢引之澗谷而懼虺毒俄有  
老叟謂客曰漕府廉台有二井焉泉冽而甘盍往汲之  
客曰使者之庭聞人嚴守而應有時甚非羈旅所敢妄  
干叟莞然而笑曰子胡不採之風謠質之行事善利濟  
衆初不禁也客於是拜其言感其意而往汲焉迨今踰  
年署無瘴渴之苦而得以安居是使者之惠也  
唐杜甫引水詩  
宋王十朋汲水詩并序明許宗鑑泉池記

達泉今廢采柳夢弼泉銘序古信州上倚山下瞰江最  
苦汲負淳熙癸卯冬大著楊先生奉敕來領漕事慨然

夔州府志

卷六

山川

十一

有澄清志越明年知民艱於水思得良工相地脉開數  
井濟之聞泮有智井濼治力必省乃命奉節令孫必益  
董其役俄而及泉新輓轡具綆年嘗試啻飲寒冽芬甘  
又甃其面屋其巔此邦士民爲久永莫大之利先生曰  
學井非他比也名達爲宜蓋取孟子之說四端若泉始  
達之義先生惠顧多士所以期待者良不淺矣  
黃龍灘在縣東寰宇記黃龍灘荊州記云三峽之首北  
岸白鹽峯下有黃龍灘水最急浚泝所忌

龍脊灘在縣東三里大江中有石長百丈若龍脊夏沒



冬見舊志每歲邑人遊於上以雞子卜歲豐歉古謠云  
龍牀如拭濟舟必吉龍牀彷彿濟舟必沒宋馮時行留  
題建炎戊申正月上巳日判官李造道司戶趙執權知  
縣毋卸元望縣尉馮當可陪郡侯謁武烈公祠遂泛江  
而下散步此磧老杜詩云元日到人日未有不陰時議  
者謂天寶之季此詩盡之今日天宇清明江國熙然大  
平之期指日可俟又獲與諸公偕遊所謂人日也馮當  
可書 宋楊濟有詩

虎鬚灘在縣東三十里杜甫詩云瞿唐漫天虎鬚怒卽

夔州府志

卷六

山川

十三

此

黑石灘在縣東三十里諺云灩澦冒頂黑石下井言其  
險也吳船錄瞿唐峽中有黑石灘最號險惡兩山東江  
驟起水勢不能平也

按黑石灘在灩澦堆下瞿唐峽內灘不止一處小黑石  
石板夾扇子石燕鬚磔臺子角白果背皆大石緣岸矗  
立犬牙相錯水不能直流舟如蛇行水大湍急不觸東  
則觸西一觸則舟碎矣道光三年邑令萬承蔭招募湖  
北職員李本忠捐資將黑石灘內石板夾扇子石燕鬚



礮臺子角等石一一鑿去并將白果背數十里緯道一  
一剗平用銀壹萬三千餘兩現在水勢較平挽繹得力  
商民賴之

此案經萬令通詳大憲批准查取李本忠履歷咨  
部獎賞而李本忠不敢邀名稟縣轉詳在案抑以黑石  
灘係天設之險人力僅去十分之二三不敢居功也

夔州府志

卷六

山川

十三



巫山縣

巫山在縣南隔江三里一統志在巫山縣東漢地理志巫縣注應劭曰巫山在西南水經注江水東徑巫峽杜宇所鑿以通江水郭仲產云按地理志山在縣西南而今縣東有巫山將郡縣居治無恒故也江水歷峽東經新崩灘其下十餘里有大巫山非惟三峽所無乃當抗峰岷峨偕嶺衡嶽孟涂所處帝女居焉其間首尾百六十里謂之巫峽蓋因山爲名自三峽七百里中兩岸連山略無闕處重岩疊嶂隱天蔽日自非亭午夜分不見

夔州府志

卷六

山川

十四

曦月至於夏水襄陵沿沂阻絕或王命急宣有時朝發白帝暮到江陵其間千二百里雖乘雲御風不加疾也春冬之時則素湍綠潭迴清倒影絕巘多生怪柏懸瀑瀑布飛激其間每晴初霜旦林寒澗肅常有高猿長嘯屬引淒愴故漁者歌曰巴東三峽巫峽長猿鳴三聲淚沾裳明統志巫峽在巫山縣東三十里卽巫山峽也與西陵昭峽並稱三峽舊傳形如巫字因以名縣據晉郭璞巫咸山賦巫咸者以鴻術而爲帝堯師生爲上公死爲尊神葬於是山因以得名則謂形如巫字因名巫山



者非也

齊虞羲 梁劉繪 王泰 范雲 陳蕭詮 隋陸敬 李孝 貞 唐盧 照 隣 閻 立 本 喬 知 之 沈 佺 期 王 無 兢 劉

希夷 張九齡 李白 鄭世翼 皇甫冉 李端 李流 李賀 陳鳳

羅隱 李頻 劉方平 于濇 孟郊 戴叔倫 張子容 崔仲方 宋

張循之 王安石 司馬光 蘇軾 李璉 鄒登 龍 范成大 元曾

隨 明 周 洪 謨 何 景 明

國朝傅作楫皆有詩

象鼻山在縣東里許俗名江東嘴

驅熊山在縣東二里下有石灘四時湍急水聲如熊吼

又名筮篨山

橫石山在縣東十里有巨石臨江澗

大丹山在縣東三十里又名大巫山寰宇記首尾一百

# 夔州府志

## 卷六

山川

十五

六十里圖經此山當抗峰岷峨偕嶺衡嶽凝結翼附並

出青雲傳為神孟涂所處山海經夏后啟之臣曰孟涂

是司神於巴巴人訟於孟涂之所衣有血者執之

寒山在縣東五十里垂崖千層絕壁萬丈勢甚高寒荆

州記云寒山九阪最為險峻

南陵山在縣南隔江一名向南山舊南陵縣以此名入

蜀記山極高大 有路如綫盤曲出絕頂謂之一百八盤

今由建始正路也黃魯直詩一百八盤攜手至今歸

夢繞羊腸



鳥飛山一統志在縣東北寰宇記在縣西南六十里言山高鳥不能越也

月明山在縣西三十里大江邊每月出此山先得月故名

大面山在月明山後

鳳凰山在縣北三十里一名百丈坡

女觀山在縣東北四里山半有石如人形相傳昔有婦人夫宦於蜀登山望夫因化爲石故名望夫石

千丈山在縣東北一百里秀異高於衆山

夔州府志

卷六

山川

六

飛鳳山在大昌廢縣故城北其形如飛鳳故名

磊頭山在縣北二十里廢大昌縣東四十里

燈籠山在縣東北一百六十里廢大昌縣東南六十里

來龍山在縣北廢大昌縣南三里其左爲筆架山

石砭山在縣東六十里廢大昌縣七里有石筍約高百丈澗三十丈上有池水不盈不涸

玉屏山在縣北廢大昌縣南五十里

羊耳山在縣北一百五十里廢大昌縣西南五十里兩峰並立宛如羊耳



聚奎山在縣北一百里廢大昌縣西南三里六峰攢聚  
天賜山在縣西北廢大昌縣西四十里有城連鳳嶺  
唐冒山在縣北一百里廢大昌縣北十五里形如唐冒  
下有泰山塘

金頭山在縣東北一百四十里廢大昌縣東北四十里  
山勢高聳冬月積雪不消

高邱山在縣西北李太白文集註高邱山在巫山之陽  
陳子昂感遇詩巫山彩雲沒高邱正微茫一名高都山  
寰宇記巫山縣有高都山

夔州府志

卷六

山川

七

陽臺山按古陽臺在縣西里許最高之處常有雲氣城  
內北隅亦有山名陽臺舊址存焉李太白文集注陽臺山  
在縣西北高邱山亦在其間類書面枕大江宋玉賦朝  
朝暮暮陽臺之下杜甫詩神女峰娟妙卽此處也

白水山在縣東一百里

馬鬃山在縣東六十里青山對岸

面頭山在縣東南九十里

七頭山在縣西南九十里

五鳳山在縣東北二里有秀峰寺基址



雲步山在縣南一百二十里崔巍聳秀陰雨時常有雲封行者穿雲而登故名

報風山在縣西南一百三十里其山多風故名

馬鞍山在縣西南八十里以形似得名

整甲山在縣西南五十里俗傳張桓侯整甲之所下有桓侯廟基尙可考

米紅山在縣東北三十里

龜山在縣東二里以形似得名

黃金山在縣東北四十里

夔州府志

卷六

山川

六

石柱山在縣東九十里山屹立如石柱

上寶山在縣東北七十里

石化山在縣西南十里石色黝黑朝夕若轉丸畧無止息歷年山形無少虧下亦無積石

石神山在縣東北六十里

梓潼山在縣東北六十里上有梓潼廟基

豹子山在縣東北六十里近大江

摹旗山在縣東一百里

天馬山在縣北廢大昌縣西北里許形如奔馬



東高山在縣北廢大昌縣西南二十里山頂有雪則兩  
邑得雨無雪則雖雨亦不徧夏秋時覘之屢驗

通城山在縣西一百六十里明末大寧令岳震垓為譚  
賊所陷死之紳士率民兵千餘報仇與賊戰於此

刀子山在縣西南一百四十里

栗子山在縣西北一百五十里

九蒲山在縣北廢大昌縣南里許

巫峰在縣東首尾一百二十里府志沿峽一百六十里  
屹立江干所謂削出芙蓉也峽中有十二峯曰望霞曰

# 夔州府志

## 卷六

山川

十九

松巒曰朝雲曰翠屏曰集仙曰聚鶴曰淨壇曰起雲曰  
上昇曰飛鳳曰登龍曰聖泉然十二峯不可悉見所見  
八九峰惟朝雲峰最為纖麗沈佺期詩巫山峯十二合

沓隱昭回俯瞰琵琶峽仰看神女臺蘇軾巫山賦峯聯  
屬以十二其九可見而三不知楚宋玉有賦宋蘇轍有賦唐盧象李白唐求宋

閻伯敏吳世延袁說友錢鏊毋邱恪黃人傑丁逢閻邱泳張續李嘉謀

國朝王士正朱爾邁俱有詩

髻峰在縣南隔江三里兩峰相對如髻

琵琶峰在縣西南隔江五里方巽勝覽對蜀江之南形



如琵琶相傳此鄉婦女多曉音律

焦石巖在縣東城外半里鎖大寧江口

烏飛巖在縣西南四十里與燕子坡相對王十朋詩坡名燕子燕思歸巖曰烏飛烏倦飛府志作爲飛鳥烏飛水經其下

洛門巖在縣東北五里峭壁對峙若門大寧河水出其  
中

鷓子巖在縣東十里

遇渡巖在縣西三十里大江邊或作玉兔巖

夔州府志

卷六

山川

二十

野豬巖在縣西五十里大江之北峭壁之下有石似豬故名

薛家巖在縣西南

千丈巖在縣西南二百里

滴水巖在縣北一百二十里

榜子巖在縣東一百二十里峭壁層疊如榜故名

寨子巖在縣東北一百二十里

觀音巖在縣東北一百五十里

驅熊洞在縣東北三里五鳳山後



五里洞在縣東

響水洞在縣東十里

七尺洞在縣東南三十里

石倉洞在縣北二十里

清水洞在縣東南里許

蓮花洞在縣東一百里

赤溪洞在縣西二十里溪石俱赤其內深阻重門複洞相傳為龍窟禱雨即應赤溪水出焉

朝陽洞在縣西北三十里

夔州府志

卷六

山川

二

寶曇洞在縣西南一百三十里洞深廣數十丈內有池水有龍盤異跡

白龍洞在縣東八十里高濶幽深水自洞出色白如銀

俗傳有白龍潛於洞中故名

鎖龍洞在縣西九十里亦作鎮龍洞

燕子嵌在縣西北四十里與烏飛巖相對

宋范成大有詩

龍公嵌在縣東三十里

龍母嵌在縣北三十里寧河邊

虎坐嵌在縣西南四十里



火龍嵌在縣北四十里

羊子嵌在縣南四十里

黃金嵌在縣東三十五里寧河由下經過石色如金故

名

砂嵌在縣東五十里寧河邊

九水坪在廢大昌縣東一百二十里

留石在縣南城外大江邊屹然二石相連水淹其頂

瞿峽難行與灑瀨石相彷彿舟人以驗水候

聚寶石在縣東南城外江邊舊名餓鬼石邑令楊曰楚

夔州府志 卷六

山川

三

易以今名鑄於石

刀背石在縣東北二十里大江邊

蝦蟆石在縣西十里許有石如蝦蟆形踞江北岸

青石在縣東南五十里大江邊

培石在縣東南六十里大江邊

獅子石在縣東北一百里

磨刀石在縣西一百二十里

蓮花石在縣東北五十里江干形如蓮花故名

四珠石在縣東北五十里寧河邊石高丈餘俗傳上有



寶珠爲人竊去尙存四孔故名

煖水在縣南城外大江邊聚寶石傍湧出方廣數尺天寒則水愈煖可以盥洗故名

三分水在縣東北五十里大江邊自山根出水爲三派俗傳以派之多寡驗年之豐歉

鴉鵲水在縣北三十里百丈坡之頂俗傳古有神鴉引識此水卽城內西井之源

石潛水在縣東北四十里

烏飛水在縣西南水經注烏飛水出天門郡淩中縣北

夔州府志

卷六

山川

三

流至沙渠縣南又北流經巫山縣南歷三道三百七十里注於江謂之烏飛口按沙渠卽今湖北建始縣地大江在縣西自奉節縣流入縣境經縣南門外東流下入湖北巴東縣界

大寧河由廢大昌縣遶縣治之東匯入大江昔傳遶至留石則有科甲之應屢驗

瀑龍河在縣南一百二十里有十二洞下卽丙穴進十五里許大溪河復有一丙穴穴前有磯石跳牌夏日魚必由此入潭躍過者入深潭躍不過者咸伏牌下漁者



利馬

指陽河在縣南三十里

三岔河在縣東北八十里小河中分三岔故名

清缸江在縣東北九十里廢大昌縣東三十里河邊有

石如缸水泛時以缸中沙石多寡卜年歲豐歉

馬渡河在縣東五十里其水難濟前明洪武間進取明

昇馬騎而渡遂名

巫溪水經注巫溪水出晉興郡之宣漢縣東又南經大

昌縣又經北井縣西東轉歷其縣南縣有鹽井其水下

夔州府志

卷六

山川

二

通巫溪又南曲經巫縣東合聖泉水又南入江府志謂  
之昌江在縣西五十里流經鎮龍洞七里與昌陽渡爲  
大寧河其險不下三峽

瓦窰溪在縣東里許

茹溪在縣東半里許源出近谷俗名小溪戰國策莊辛

曰蔡靈侯飲茹溪之水注曰巫山之溪是也明邑令張

維任題曰源潔流芳

石漕溪在縣東里許

洋路溪在縣東三里



清溪在縣東南里許陸游入蜀記云縣有清水洞極深  
洞通山後色黯有水人不能入歲旱於此禱雨

萬流溪在縣東六十里自湖北施南府恩施縣大溪河  
發源東流至萬流驛合於大江

柏子溪在縣東北二十里

東坪溪在縣東北三十里

木瓜溪在縣東北八十里

編魚溪在縣東北九十里

香溪在縣南四十里

夔州府志

卷六

山川

三五

石柱溪在縣西南六十里

堰頭溪在縣南四十里

古水溪在縣西南七十里

紫烟溪在縣西南五十里

彈子溪在縣西南六十里

三岔溪在縣西南七十里

千丈溪在縣西南一百二十里

雨暘溪在縣北二十里

大溪在縣西南六十里古名金沙灘卽明湯和征明昇



屯兵處峽口有石刻云康茂才行兵到此字現存向有  
康公廟今廢入蜀記天溪出美梨大如升

官家溪在縣北二十里

小子溪在縣西五十五里

羊溪在縣東一百一十五里廢大昌縣東十里水通寧  
河成化中通判王正征石和尚戰死於此

百渡溪在縣東五十里與羊溪相通

橋頭溪在縣西北五十里

龍溪在縣西九十里接大寧河

夔州府志

卷六

山川

三

魚鱗溪在縣北一百里

蝦蟆溪在縣西一百里溪中生蝦蟆大如升故名

磨刀溪在縣西八十里

馬渡溪在縣北九十里

楚王池在縣東北三百五十步水味甘美相傳楚襄王  
常於此納涼故名池上有眉與觀

黑龍池在縣北三十里牛山中昔有龍乘雲而下山遂  
崩裂成一池故名

鴛鴦池在縣東北七十里石徑山之左二池相並兩水



交流如鴛鴦然故名

天池在縣西五十里山頂上與奉節縣天池同名異地  
白水池在縣西北五十五里俗傳常見一白鶴浴於水  
中色便白故名

楊柳池在縣西五十里

仙女池在縣北五十里廢大昌縣西南三十里相傳有  
女子澣衣於此須臾不見

千頃池府志在廢大昌縣西三十里波瀾浩渺分爲三  
道一東流經縣西爲井源一西流爲雲陽縣湯溪一南

夔州府志

卷六

山川

三七

流爲奉節縣之西瀼水

石柱潭在縣北三十里水從岩岫間湧出相傳爲龍湫  
禱雨卽應

白小湖在洋路溪旁

龍王沱在縣西南五里

安坪沱在縣南十里

麥沱在縣西北里許

皮佛沱在縣西南四十里

指背沱在縣南四十里



匡家沱在縣西南四十五里

鍋籠沱在縣東里許

南沱在縣西南三十里

曲尺盤沱在縣西三十里

沙烏沱在縣東南三十里瀑龍河由此匯入大江

作魚沱在縣東三十里

泗瀆在縣西四十里澗水橫通大江兩山對峙一名錯

開峽峽距大江五里有斬龍臺俗傳大禹錯開神女授

冊始劈三峽

夔州府志 卷六

山川

三

沙霧瀆在縣東南三十里

蓮花灘在縣東南二十里

跳石灘在縣東南十五里相傳舊江北山頂有石跳落

南崖至今險阻一作掉石 宋琬有詩

朽石灘在縣南里許

空望灘在縣東二百里

橫石灘在縣東北二十里

大磨灘在縣東北三十里

小磨灘在縣東南三十里



香爐灘在縣東南八十里

鏡架灘在縣西北里許

烏溪灘在縣西北里許

下馬灘在縣西北二十里

三纜子灘在縣西北三十里

磨閣灘在縣西北三十五里

虎扒子灘在縣西南四十里

乾焦灘在縣西北四十五里

龍寶灘在縣西四十八里

夔州府志

卷六

山川

元

繫坊灘在縣西北五十里

李拐灘在縣西北五十五里

金沙灘在縣西五十五里

鐵灘在縣西南六十里

大黑石灘在縣西南八十里與奉節縣交界另有小黑

石灘在奉節縣界內

老鼠剝灘在縣東

黃金藏灘在縣東八十里

祝家灘在縣北



老雅灘在縣東北

麻柳灘在縣東北

紅石灘在縣東北

長灘在縣東北

李家灘在縣東北

鈎連灘在縣東北

吾草灘在縣東北

上摘耳灘在縣東北

下摘耳灘在縣東北

夔州府志

卷六

龍珠灘在縣東北

青灘在縣東北

龍王灘在縣東北

磨閣灘在縣東北

燒箕灘在縣西北

周家灘在縣西北

恒灘在縣西北

鱒魚灘在縣西北

洗米灘在縣西北



洛灘在縣西北

粗石灘在縣西北

新崩灘在縣西五十里大溪口之下盛宏之荊州記沿江峽三十里有新崩灘水經注此山漢和帝十三年巫山崩晉太元二年又崩當崩之日水逆流百餘里湧起數十丈今灘上有石或圓如簞或方如屋如此者甚衆崩崖所隕致水怒流今頽崖所餘比之諸嶺尙爲竦築庫套子灘在縣東署夔州府杜樞脩灘緯路記巫峽庫套子險灘也凡夏秋水漲上則懸崖峭壁下則急浪驚

夔州府志

卷六

山川

三

濤乘舟而來者率皆望洋阻矣乾隆庚申余攝夔篆奉驛憲武公命履勘斯灘舟非緯不上緯非路莫行古人雖除道短而窄往往有虞意外者請脩治之未幾余卸事回任竊有志焉而未逮也戊辰又攝夔篆商旅及舡戶水手僉曰巫峽庫套子最險乾隆七年間驛憲捐費興脩迄今帆檣無恙靡不戴德惟上有岩頭一處再削六尺之危闊五寸之仄俾挽緯者益前進而用力乞轉請余思美弗彰盛弗繼司土者之過也毋庸請爰毅然重脩估工八百捐金五十聊以體惠恤之政宏利濟之



仁云爾工竣鑄於石曰乾隆七年十一月四川驛憲武公宏緒興脩乾隆十三年九月署夔州府事杭樞重脩知巫山縣事趙願敏桂綦先後監脩

聖泉在縣東北水經注巫縣東北三百步有聖泉謂之孔子泉其水清潔下注巫溪水宋王十朋集泉旁雖童子亦知書

孝感泉在縣西門外孝子王文義母墓前四時不竭婆娑泉在縣南三十里南陵山後

東井在縣東城外里許創始無考乾隆四十六年重脩

# 夔州府志

## 卷六

山川

三

西井在縣西城內陽臺山麓源出鴉鵲水明嘉靖中名曰利澤泉本朝乾隆年間邑令錢基朱斐然先後重脩更名朱公井其出流處舊祇鑿石爲龍口居民接汲恒多爭競道光三年冬邑令楊佩芝稔知未便爰傍龍口脩砌方池深廣可容數百石週圍護以石欄民稱便焉楊柳井在縣西北五十里涼水井在縣西北五十里

巫峽在縣東三十里與瞿唐峽巴東峽並稱三峽

峽中行者

歌唐李白李頌曹松有詩宋范成大詩并歌陸游詩明楊慎有歌張含有詩



國朝許汝龍詩何明禮張衍懿楊潮觀俱有詩

黃牛峽

諸葛武侯有黃陵廟記

夔州府志

卷六

山川

三



雲陽縣

石城山在縣東二里華陽國志胸臆縣有大小石城山  
新軍山在縣東南十五里

飛鳳山在大江之南巍峩聳峙與縣治相對古刻鳳凰  
岩三字山半有瀑布泉注於白玉池產太液元精石

大梁山在縣西北六十里形勢橫亘如屋梁然

五峯山在縣北

漢城山在縣北三十里雲安鹽場之左漢扶嘉隱居其  
上唐翟法言揚雲外相繼飛昇於此

夔州府志

卷六

山川

三四

馬嶺山在縣北二十九里漢扶嘉云三牛對馬嶺不出  
貴人出鹽井舊志三牛山去馬嶺十里皆近鹽井

馬鞍山在縣北三十里與三牛山相連

上下岩在縣西五十里大江北岸兩崖相去不遠其下  
岩亦名燕子龕宋楊輔古書岩留題夔州守楊輔去官

過萬戶驛故胸臆縣治泊舟遊古書岩見刻石滿其上  
意當時或有像設屋室蓋縣人常所往來之地縣徙歲  
月不復可考而刻石亦漫闕就盡說者但爲臆創乃屬  
雲安大夫劉申徧摹岩上下石刻試爲考詳庶幾其猶



夏水漲為塘舊名西陵峽乃三峽之門兩崖對峙中貫

一江灑灑當其口

明王嘉言有記唐楊炯白居易胡清鄭谷孟郊俱有詩杜甫詩并歌梁王

周詩并序宋蘇軾蘇轍宋肇陳謙李石杜曾陸游俱有詩范成大詩并序明孫賡周洪謨安磐俱有詩

國朝高層雲孫元恒張衍懿樊澤達俱有詩

大江在府城南即岷江一統志自忠州流入東北經萬

縣雲陽奉節一坐山四縣南又東流入湖北巴東縣界

大瀼水在縣東方輿勝覽千頃池一道南流為西瀼水

明統志大瀼水在府城東自達州萬頃池發源經此流

入大江舊志在縣東一里按輿圖此水源出太平廳分

### 夔州府志

山川

水嶺曰分水河東南流三百里許至府城東入江

清瀼在縣西二十里即白崖口溪入蜀記山澗之流凡

通江者土人皆謂之瀼

東瀼在縣東水經注白帝城東傍東瀼溪輿地紀勝公

孫述於水湄墾稻田號東屯

國朝宋琬有詩

陽元水在縣西水經注陽元水出陽口縣西南高陽山

東北流經其縣南又東北流丙水注之發源縣東南柏

枝山北流入高陽溪溪水又東北流注於江謂之陽元



討冉令賢屯軍湯口遣軍渡江拔其江南八城是也  
字記千頃池水一道西南流爲雲陽縣湯溪水經注湯  
溪水歷胸臆縣翼帶鹽井一十所地道記入湯口四十  
三里有泉煮以爲鹽

鹽井在縣北三十里鄧希明雲安場記場得滷泉二創  
自漢高祖來雲因訪扶嘉開井利民云今縣鹽井凡十  
眼

雲安厥小河在縣北按杜甫詩云雲安浩水奴僕悲蓋  
原酉陽雜俎謂雲安井自大江泝別派凡三十里近井

夔州府志 卷六

山川

三六

十五里皆灘石險惡天師翟乾祐於漢城山結壇考召  
迫命羣龍諭以灘波之險使皆平之一夕之間風雷震  
擊十四里盡爲平潭惟一灘仍舊龍亦不至乾祐復嚴  
飭神吏追之又三日一女子至曰某所以不來者欲助  
天師廣濟物之功耳雲安之貧民自江口負財貨至近  
潭以給衣食者衆矣今若輕舟利涉平江無虞卽貧民  
無傭負之所絕衣食之路余寧險灘波以贍傭負不能  
利舟楫以安富商也乾祐善其言使羣龍皆復其故風  
雷頃刻而長灘如舊



橫石灘在縣西萬戶驛旁上有橫梁候館采李燾曲水  
留題或言雲安之西三十里許有自然曲水閏月甲午  
朔泊舟橫石灘上携子屋至塾堊壁及劉甥卞子道子  
步訪之水極峻急不可流觴岩顏有永和三年及六年  
刻字十五六行剝落已不可讀細辨其文俱昔人捐金  
以事仙佛識金數於石爾殆非禊飲處也好事者因年  
號遂增飾之當時必置屋廬象設今變滅無餘然水石  
要可喜姑取酒酌其旁賞晤良久乃去乾道九年眉山

李燾書

唐李羣王有詩

夔州府志

卷六

山川

三七

瞿巫灘在縣東華陽國志胸臆縣水道有東陽下瞿數  
灘水經注瞿巫灘卽下瞿灘也又謂之博望灘其東陽  
灘亦謂之破石灘九域志雲陽縣有博望灘盛宏之荆  
州記張騫奉使西域於此覆舟故名

寶塔灘在縣東一里

塔江灘在縣西十里

瞿唐馬嶺灘在縣西三十里

新軍河在縣東南三十里源出湖北恩施縣界東北流  
二百餘里入大江



琵琶山在治南有二十四峯形似琵琶故名

東洋灘在縣東三十里係水微漲時極險之灘因江心堆積亂石水勢激盪上下舟隻每易沉溺自道光五年知府恩成捐廉檢除舟行較前順利功尚未竣與廟磯灘俱係逐年補修

廟磯灘在縣東四十五里係枯水極險之灘是灘南有雞翅石橫排北有亂石堆積兩石嘴夾束以故江面甚逼而水流甚急其中又有石梁一道自南至北橫亘江心漩折成渦名爲迴水沱其北岸西偏又有溪溝自山

夔州府志

卷六

山川

三八

崖流出夏令雨集溪石迸注入江水石交衝勢如鼎沸舟行每多不測之虞經前署雲陽縣令毛會掄將北岸修鑿水向南徙又經前縣令廖鴻苞於北岸築堤以禦溝水未幾堤被水冲石落灘邊其險更甚識者謂毛廖二令雖竭盡心力施功未中切要道光三年知府恩成下車後卽再三籌畫親詣勘驗形勢並詢之熟悉灘情水性之年老舟人僉云此處江面一寬灘或可平因思迴水沱石梁潛伏水中北面溪溝係出水要道人力難施惟南岸雞翅嶂尚可開鑿北岸亂石堆尚可檢除卽



捐廉雇匠以次興修又於南岸灘頭修砌緯道以便上水船挽運自道光四年正月二十八日起每歲於水枯時興工水漲時停工一年而灘勢稍減二年而灘沸漸平三年而沿灘無覆溺之患矣更可異者亂石堆灘底向有巨石衝激觸舟甚駛歷年水枯而此石終去水面二三尺不能施工道光五年冬因修鑿將竣灘水頓落此石忽然現出恩守急命工匠搶鑿不數日竟將巨石劈去石甫去而水即漫漲如故由是灘勢益平噫嘻此舉不似有神助耶

現在舟楫無覆溺之患商旅甚賴計歷年捐廉修鑿共用銀三千餘兩道

# 夔州府志

## 卷六

山川

三九

光五年制憲委候補知府金齊賢阿勘驗據稟稱奉憲臺面諭卑府路過東洋廟磯兩灘現在形勢如何飭令勘明具覆等因卑府巫山公竣由水路轉回行抵雲陽縣所屬之東洋廟磯兩灘處所逐加履勘廟磯一灘為枯水極險之灘因該處有石梁一道自南至北橫亘江心每屆水涸之時奔湍激石漩折成渦此係天設之險人力難施又南岸則有雞翅橫排北岸則有亂石堆積兩面夾束以致澎湃逆行舟行每多覆溺之患刻下係夏秋水漲灘頭淹沒並非見險之時而察看該灘形勢南岸雞翅不見嶙峋尖石北岸亂石堆亦檢去十分之七詢之該灘居民及來往客商僉稱此灘歷年本形奇險蒙夔州府恩主屢次捐資募工修鑿將雞翅勝打去大半以後水勢紆緩舟行較前順利等語卑府看得該灘本奇險異常自遠難化險為夷而修鑿得宜有一分之功自能去一分之險理固然也况查北岸有溪溝一道直冲灘口經恩守將溪溝掘開俾溪水旁流灘口不致有碍並於南岸灘頭修砌緯路一道挽運亦甚得力是以上下水船隻至彼頗稱順利至東洋灘較之



廟磯水勢稍殺然亦枯水險灘舟行每多失事思守於  
本年春初水涸時捐資雇工修鑿水勢亦較前平順緣  
奉飭勘理合據實稟覆

磁庄灘在廟磯灘下



萬縣

黑象山在縣東十五里關鎖水口其形如象

南山在縣南隔江三里下瞰大江卽縣之對山也面揖南山背負都厯疊翠如屏東南二里與明山相聯

羊飛山在縣西南五十里蜀鑑三國時羊渠縣蓋置於山下舊志相傳昔有人學道於此嘗養二羊一日戒童子勿放羊童子放之一羊衝天而去

西山在縣西三里又名太白崖以李太白曾讀書於此名勝志西山去縣城三里有絕塵龕三字及唐人詩刻

夔州府志

卷六

山川

四

相傳太白讀書於此崖下有池宋郡守馬元穎魯有開所鑿廣一畝植以芙蓉荔枝果凡三百本采黃庭堅記庭堅蒙恩東歸道出南浦太守高仲本置酒西山實與其從事譚處道俱來西山者蓋郡西渡大壑稍陟山半乃竹柏蒼翳之門水泉瀦爲大湖亭榭環之有僧舍五區其都名題曰勒封院樓觀重叠出沒烟霏之間而光影在水此邦之人歲脩禳事於此凡夔州一道東望巫峽西盡鄒鄒林泉之勝莫與南浦爭長者也寺僧文照喜事作東西二堂於茂林脩竹之間仲本以爲不吝不



陋冬燠而夏涼宜於遊觀也建中靖國元年二月辛酉  
江西黃魯直題并書

天城山在縣西五里四面峭立如堵惟西北一徑可登  
一名天生城相傳漢昭烈曾駐兵於此卽華陽國志所  
云小石城山也夔州志有元至正十三年總管百師能  
天城石壁碑記云萬在江北城號天生昔昭烈上控蜀  
漢下窺三峽於此乎插劍蓋荆蜀之要會也字多剝落  
記見藝文志

魚存山在縣西十里上銳下廣崖面有石形如雙鯉一

夔州府志

卷六

山川

四

作魚楸山楊慎螭箋篲筆楸寂見切說文楸以柴木壅  
水也江賦楸澱爲泔夾衆羅筌皆取魚之具蜀中有魚  
楸之名

木樾山在縣西一百里一名水樾山昔大禹治水過此  
見衆山漂沒惟此山木樾不動故名山頂有池隨大江  
水漲增減寰宇記木樾山在武寧縣東南十三里山頂  
有池冬夏可驗其淺深隨大江水漲增減舊有道觀

金磧山在縣西一百二十里寰宇記在武寧縣西南五  
十里



黃蘆山在縣西一百二十里接忠州界

人存山在縣西北十五里四面懸崖周圍四十里一名萬戶山

椅子山在縣西北二十里

鐵鳳山在縣西北四十里崇岡絕壁其形如鳳山上舊有道觀

石笋山在縣西北八十五里寰宇記石笋山在武寧縣東北三十五里其狀如笋又云漕溪滾塗之間有石如笋亭亭而立凡十數丈舟行過之怵目焉

夔州府志

卷六

山川

四二

都歷山在縣北三里一峰插天飛鳥不能越氣象融結爲縣之主山又號文筆山

石佛山在縣北五里形如佛像

獅子山在縣北八里形如狻猊四面絕險惟鼻尖可登高梁山在縣北四十里與梁山縣接界寰宇記高梁山在南浦縣北四十里江源記云高梁山尾東跨江西首劍閣東西數十里山嶺長峻其峰崔巍於蜀而望之若長雲垂天一日行之方極其頂俯視衆山低若平原劍閣銘所謂巖巖梁山積石峩峩卽述此山也



下崖在縣東二里與古練崖擅幽勝相傳唐末有劉

道徵者鑿龕以居按下崖本雲陽縣西唐宋紀游諸

作皆作雲安下崖而夔州志載萬縣范成大吳船錄

甲寅發萬州六十里至開江水自開達來合大江四

十里至下崖四十里至雲安萬州詩云晨炊維下崖

晚酌艤南浦萬縣故南浦郡則謂下崖之去萬州二

里者誤也又按萬縣南岑公崖有寺曰下崖得毋因是

而譌耶餘詳雲陽縣宋范成大喻汝礪有詩

岑公崖在縣南隔江一里亦名岑公洞洞中二石如壘

夔州府志 卷六

山川

四

碁屹立撐柱是鐘乳所成其下有石臺洞門瀑布十餘

丈自懸崖飛下淙潺不絕下注溪澗洞口有岑公洞三

大字紹興辛巳郡守何渠書方輿勝覽在大江之南廣

六十餘丈深四十丈餘石崖盤結如華蓋左為方池泉

湧出崖際盛夏注水如簾松篁藤蘿鬱葱蒼翠真神仙

窟宅圖經云岑公名道願本江陵人隋末避地隱此崖

下百餘歲肌膚若冰雪積二十年尸解去至唐宋間封

以冲妙大師虛鑿真人舊志在大江南岸唐岑公隱於

此山中有石狀如芝名曰石芝又有泉曰灌芝泉

唐馬冉宋



趙喜嶺黃庭堅范仲黼陸游馮時行郭印謝希珙明廬

國朝王士正俱有詩

古練崖在縣西十里旁有治平寺

千金島在縣南二里寰宇記在南浦縣南三里屹立江心石高數丈廣百步土人每淘金於此亦名黃金島  
磁洞在縣南四十里產石色黑性堅可作硯

大江在縣南門外水經注江水自臨江縣界壇又東右經將龜溪口卽胸臆縣界又東會南北集渠又右經池溪口又東經石龍又東經羊腸虎臂灘又東經彭溪口

夔州府志 卷六

山川

四五

又東至胸臆方輿勝覽大江卽岷江也在萬州東其左有二石穴名天倉地倉地倉滿則豐天倉滿則歉

芎溪自縣西梁山縣界分水舖流入經獅子山下折流十二灣至城西復南流入江以溪旁土肥種芎故名卽古池溪水經注胸臆縣又逕池溪口盖江汜決入也舊志春夏漲潦則並舟爲筏以百丈芎繩雙拽而渡

彭溪在縣東自開縣流入又南入江水經注江水又東彭水注之水出巴渠郡獠中東南流經漢豐縣東清水注之又經胸臆縣西六十里南流入於江謂之彭溪口



夔州志在縣東六十里接雲陽縣界亦曰開江又曰小江

雙渠寰宇記雙渠在武寧縣東十里灘心有石泉分爲二狀如雙渠

南集渠在縣西水經注出涪陵界謂之于陽溪北流經巴東郡之南浦僑縣西溪夾側鹽井三口相去各數十步以木爲桶經五尺燒煮不絕溪水又北流注江曰南集渠口亦曰于陽溪口

北集渠在縣西水經注北水出新浦縣北高粱山南流

夔州府志

卷六

山川

四六

經其縣西又南一百里入胸臆縣南入於江謂之北集渠口別名班口又曰分水口胸臆尉治此按新志無此水或卽開縣之墊江常渠但其水東入開江與酈說不合然水以渠名係人力所爲古今異流者往往有之魯池在縣西三里西山之麓南有流杯池俱宋刺史魯有開所鑿廣百畝植以紅蓮

龍池在縣東二十里九域志萬州南浦有龍女泉水旱禱祠有應

包泉在縣西山泉水清冽宋元符間刺史方澤爲銘以



其品味與惠泉相上下

盤龍磧在縣西古曰石龍水經注江水東經石龍水至於博望二村之間有盤石廣四百丈長六里而遙始於阻塞江川夏沒冬出基亘通渚

蛾眉磧在縣南對江岸側水落石出磧形如眉多細石色斑可以遊戲每正月七日鄉市士女至磧上作鷄子卜繫小鼓作竹枝歌二月二日携酒饌於郊外晏飲至暮而還謂之迎富方輿勝覽郡守趙公有詩序曰岑公洞曰西山曰翠屏曰魯池曰江會樓曰天生橋曰蛾眉

夔州府志

卷六

山川

四七

磧曰古練岩爲萬州八景

湖灘在縣西六十里水勢險急春夏泛溢江面如湖宋嘉熙中蒙古兵渡湖灘施夔震動卽此宋查籥有詩

使君灘在縣東二里寰宇記使君灘在萬州東二里大江中晉楊亮赴任益州船行至此覆故名峽程記又名使君主簿灘

新婦灘在縣東十里寰宇記新婦灘在萬州東南岸十里山崖石上有婦人容狀

長灘并在縣西南一百里水鹹現今煎鹽舊志縣境鹽



井凡六眼又有鹽場在縣東南賈輻集之地

夔州府志

卷六

山川

四八



開縣

神仙山在縣東二里寰宇記神仙山在開江縣東清江水東四里古老相傳昔有仙人衣朱衣乘白馬登此山本道以開天寶二年勅置壇號神仙宮

瑞石山在縣東南八里一峰突起上有瑞石俗名毘盧瑞賢山在縣南隔江三里羣峰秀矗

州面山在縣南一里

射洪山在縣南二十里一作在縣東南府志在縣東十五里上有故城址舊傳關索嘗射於此

夔州府志

卷六

山川

咒

鐵鳳山在縣南四十里

青岡山在縣西南四十里峰巒翠嶽墊江出此即高粱山也方輿勝覽青岡山在開江縣一百四十里明統志青岡山與百現山相近

大池山在縣西十五里高百丈頂有大池方廣百畝水極清冽

九折山在縣西十五里高八十丈山形盤旋九折俗名觀音山樓閣壯麗

九龍山在縣西二十里山有九峰曰石楠垂雲玉環凝



香飛虹啼猿磨嵯飛仙青楓勢相起伏亦名九龍山  
鯉城山在縣西十里三面懸絕常有渠水流經其下東  
西有城城間有浦多生鯉因名寰宇記鯉城山在新浦  
縣西四十里四面懸絕

城山在縣西十五里四面懸絕東向有城

盛山在縣北三里突兀高峰爲縣主山也山如盛字寰  
宇記在州西北三里唐韋處厚知開州有盛山十二景  
詩韓愈爲之序有宿雲亭隱月岫流杯池琵琶臺盤石  
磴葫蘆沼繡衣石瓶泉井梅溪桃塢茶嶺竹厓爲十二

夔州府志

卷六

山川

五

景

朝閣山在縣北寰宇記朝閣山自開達二州界南入當  
縣

石塔山在縣東北寰宇記石塔山自開達二州入當縣  
界與夔州接界山下有一泉分爲三道一入夔州一入  
當州一入達州

石門山在縣北一百里山有石穴名盤頭洞洞中有水  
產嘉魚舊屬清水廢縣寰宇記石門山在萬歲縣東北  
十里



熊耳山在縣東南五里以形似名與神仙山並秀聳擅  
勝南至奉節縣界寰宇記熊耳山在萬歲縣東北下入  
扶城水南至夔州界

安樂山在縣北一百里宋蘇軾有詩

界頂山在縣東北七十里

崖飛山在縣東北一百四十里高一百七十丈崖勢高  
懸如飛鳥一名雁飛山

登雲峰在縣南州面山岡之右高五丈周十八丈

茶嶺在縣北三十里產茶味極佳不生雜卉

夔州府志

卷六

山川

五

獅子崖在縣北五十里

楊柳洞在縣東十里泉自洞出極清

雷洞在縣東南五里温井後山側廣德初雷震而成唐

志在萬歲縣名靈洞一名東洞舊府志在州東北五十  
里一名仙女洞一名東洞洞口石室石龕佛像又有温  
湯洞在縣東五里詳見唐杜光廷錄異記

龍馬洞在縣西北五十里舊志一名西洞門高一丈方  
廣二畝內一石塔高丈許石座高七尺石繖罩之又二

石龍頭角崢嶸牙爪奮怒一石柱挺立一石鼓擊之鏗



然有聲上有瓔珞下垂如流珠狀者數百五彩祥雲舒卷不一形象巧於鏤刻石壁下有井方廣一丈深不可測有馬蹄跡自井中出入錯雜稍北又有洞門高七尺許以火炬照之可行三四里火滅莫能進洞口有延真觀圯壞遺碑剝落

積正洞在縣東北二十里舊志開縣北十里有集真洞嘉靖五年掘出一碑記云內有石日月其明如晝爲真人所居故謂之集真洞傳聞漁人遇暑夜嘗見人在彼河內沐浴有應答聲俄而遁入水中去疑其爲洞仙也

夔州府志

卷六

山川

五二

老龍洞在縣西北舊志在開縣西北八十里洞門方廣五尺深不可測以火燭之行三里許有水池極深凡遇旱禱雨輒應

開江在縣南一里源自新寧縣東北霧山坎東南流入縣南一里又東南流至雲陽縣入江卽古彭溪水也一統志源出達州新寧縣東北東流入開縣界又東南入雲陽萬縣界入江今名開江一名小江又名臨江水經沅彭溪水出巴渠郡獠中東南流經漢豐縣東清水注之又南至胸臆縣西六十里南流注於江謂之彭溪口



允域志開江縣有疊江方輿勝覽開江有兩江曰清江  
曰開江又名疊江明統志開江在開縣治南源出新寧  
縣霧山坎流經今縣合清江過雲陽縣入岷江府志開  
江在縣南一里源出筭山又有桃溪在縣西二十里源  
出大陂東注開江又有梓水溪在縣西百七十里源出  
太平舊志小江自新寧縣霧山坎東南流七十里經開  
縣南一里又東南合清江墊江經雲陽縣西四十五里  
入大江其入江處曰小江口去萬縣六十里按寰宇記  
有常渠水一名白浦水西自新寧縣界流入東流經鯉

夔州府志

卷六

山川

五二

城山又東經新浦縣南三里又東入開江縣界蓋卽開  
江之上源也

清江在縣東北水經注清水出巴渠縣東北巴嶺南獠  
中卽巴渠水也西南流經其縣又西入峽檀溪水出焉  
又西出峽至漢豐縣東而西注彭溪謂之清水口寰宇  
記清水出萬歲縣東北石塔山南流經石門山又西南  
經巴渠故城東又西南經萬歲縣東二里又西南入開  
江縣界明統志源自達州萬頃池府志在縣東一里冊  
說在縣東北五十里源出界頂山南流五十里至縣東



南入開江云出萬頃池誤

墊江在縣南三十里源出青岡山東流五十里入開江  
疑卽古之北集渠又見梁山縣寰宇記新浦縣墊江水  
源自高粱山東北流至縣南入常渠水縣志一名濁水  
在縣南四十里自梁山縣流經渠口浦入於開江  
白水溪在縣東北四十里自崖飛山發源西南流三十  
里入清江

三潮溪在縣東北清水溫湯鹽井之側自積正洞發源  
至縣東二十里入於清江一日三潮冬溫夏涼頗爲神

夔州府志

卷六

山川

五四

異

鹽泉寰宇記鹽泉在萬歲縣東二十餘里平地

溫井在縣南其水冬夏常溫

溫湯井在縣東北五十里有松木柏木龍馬三井煎鹽  
瑞蓮池在縣西一里青雲橋下宋元祐初嘗開兩頭蓮  
元至和中亦開郡守有瑞圖遺碑又名睡佛池以盛山  
影照水中合山水二影視之宛似佛像倒睡狀



大寧縣

鳳山在縣東一里一名東山際谿千仞木石蒼翠景物幽絕上有觀音崖崖中有月窟雲崖釣雪玉環浮玉寶華之勝

石鐘山在縣東北十五里與二仙山相望上有巨石如鐘下有三足烟火之迹宛然父老以爲爾朱丹鑪石柱山在縣北二十里一峰削成如巫峽所望剪刀峰與道士峰相連皆奇觀也

二仙山在縣東北十七里高百餘丈上下皆峭壁惟一

夔州府志

卷六

山川

五五

徑寬二尺長四五丈許始達凡游者不敢下視

繡墩山在縣東北四十里山形如墩頂平旁峻惟一徑可通昔人嘗避兵於此

寶源山在縣北三十五里舊名寶山府志作寶泉山氣象盤蔚大寧諸山此獨雄峻上有牡丹芍藥蘭蕙山半有石穴出泉如瀑卽鹽泉也

龜山在縣北六十里上有古廟遺址水泛不湮

永隆山在縣北二百里

萬頃山在縣北廣數百里多產大木中有萬頃池今不



可考疑卽太平廳之萬頃池也

道士峰在縣東二里與石柱山相連

朝陽峰在縣東五里山峰向南故名

剪刀峰在縣北八里兩峰對峙形如剪刀左邊有石筍曰裁衣尺

豹變崖在縣南二里山半石啞豹嘗隱於中因名

羅漢洞在寶山上有石窻下有石門中有羅漢因名

高峰洞在縣北二十里洞在嶺上高濶丈餘四面通透仙人洞在寶源山鹽泉之側洞口寬高十餘丈深不可

夔州府志

卷六

山川

五六

測崖上石紋生成十字水出石筍四時不絕方輿勝覽洞在鹽泉之側峭壁上有石紋如人相對起伏狀洞中有仙骨長丈餘洞前有池不竭按此洞一名王子洞相傳王子煉丹處又明羅洪先所居也許見古蹟及譚謙吉記

大寧河在縣東門外源出縣北界南流二十五里至城東又東南流八十里入大昌廢縣界轉入巫山縣合大江卽古之巫溪水也一統志自大寧縣北界發源東南流至巫山縣東入大江今日大寧河一名昌江水經注



巫溪水導源梁州晉興郡之宣漢縣東又東經建平郡  
泰昌縣南又經北井縣西東轉歷其縣北水南有鹽井  
其水下通巫溪溪水又南屈經巫縣東合聖泉水又南  
入於大江舊志大寧河一名昌江源出大寧縣寶源山  
南流二十五里經縣東門外轉東南八十里入廢大昌  
縣界又八十里經故縣南門外又四十里入巫山縣界  
又四十里經縣東一里南入江按輿圖此水源出大寧  
縣西北接陝西平利縣界曰西溪東南流百里許有東  
溪自湖北竹山縣界西流合焉折西南經鹽井東後溪

夔州府志

卷六

山川

五七

河東流入焉又轉東南經大寧縣東又南有白楊河合  
水浪水二水經縣西流入焉又南會西來之龍溪上  
田二水至廢大昌縣南有楊溪會湖北房縣之水自縣  
東西流入焉又南流百餘里經巫山縣東入大江方輿  
勝覽有馬連溪在大寧監西五里卽縣西之白楊河也  
明統志謂馬連溪源出萬頃池流經巫山縣入江一名  
昌溪是誤以馬連溪謂巫溪之上流也舊志謂源出寶  
源山者亦非

馬連溪在縣西五里卽白楊河舊志馬連溪源出縣西



北十歇場流經縣西至東門南淵合大寧河入江  
東溪在縣東北三百二十里由湖北竹山縣界入境南  
流經馬家洞下流轉西經香墩山再西流合於西溪  
西溪在縣北由陝西平利縣界入境東南流百里許與  
東溪合爲高峰河西流經下五寨又西入於大寧河  
大悲口在縣西明統志大悲口在大寧縣治西溪心兩  
巨石對峙上廣下狹旁乞靈池諺云船過大悲口物方  
是汝有

萬頃池方輿考畧在大昌縣西三百六十里波瀾浩渺

夔州府志

卷六

山川

五八

莫知涯際分爲三道一道東流經縣西爲井源一道西  
流爲雲安縣湯溪一道南流爲奉節縣西瀼水輿地紀  
勝在大昌縣西三十六里按此池卽太平廳界之萬頃  
池方輿勝覽謂千頃池在大昌縣西三十六里明統志  
又與萬頃池分爲二皆誤詳見太平廳  
珍珠簾在縣南二十五里

南淵洞在縣城二里兩江合處有石崖峙如門高二丈  
溪流噴如瀑布謂之南淵

白馬泉在縣西十里 關帝廟神座下湧出溉田千餘



畝流入馬連溪昔有白馬嘗夜害禾稼因立廟鎮之馬  
不復出故名

白鹿鹽泉在縣北三十五里寶源山麓相傳有袁氏逐  
白鹿至此得鹽泉故名朝野雜記大寧之井鹹泉出於  
山竇間有如飛瀑民間分而引之方輿勝覽雷說淳化  
中知大寧監見人戶汲泉強弱相凌多抵於訟乃於穴  
旁建爲石池以瀦之外設橫板三十竅承以脩竹爲之  
篋筒

明月山在縣西一百八十里其山高出羣峰頂頭一眼

夔州府志

卷六

山川

五九

空數丈圓如月俗呼爲穿山子又號爲明月山東南照  
巫奉之遙西北照寧廠之遠四面山巔皆可望見其烟  
雲迷離光明一片借天地之色以成象其狀如月故號  
爲明月山

朝陽洞在縣西北一百六十里山勢極雄脈起於陝西  
之終南山洞深十餘丈高數仞中幽深而外朗濶山前  
巨石似龜頭脚俱全又一長巨石似蛇頭尾宛然寺塑  
真武祖師以天地生成龜蛇二將云

獅子崖在縣西九十五里崖高十丈餘仰首屹立宛若



獅子相傳常下田踐食禾苗土人缺其下唇其害遂止  
乾龍洞在縣西一百里兩洞上下錯列高十餘丈上洞  
內極寬敞可容數百人一孔自天而下明徹洞內自洞  
中小穴持火而人行二三里洞穴錯出不敢復進下洞  
狹而長水從洞出溉田數百畝嘉慶三四年間教匪滋  
擾土人避居洞內知縣鍾蓮於此設立糧臺下洞卽屯  
糧之所也

金鵝池在縣西北一百六十里深山中池旁舊有廟宇  
遺址尙在採藥者常見雙金鵝浮水面捕之不可得每

夔州府志

卷六

山川

六

逢大旱之際遙見池邊雲起則雨降風生

龍王洞在縣西一百五十五里洞高三丈許洞內供奉  
龍神其下爲深潭泉流不竭洞口砌脩石臺去水面丈  
餘擱板爲橋以奉香火神身字跡明嘉靖時所刻也迄  
今辰午申三時潮水湧出響聲若雷有頃方止或不當  
潮時以石投之其水亦湧起或曰內有水犀或曰有龍  
藏其中終莫得其實焉

老鷹寨在縣西一百九十五里其山巉岩峻竦壁立千  
仞山多鷹燕之屬因以爲名山腰一徑極狹僅容一人



單行行里許石徑忽斷昔人於石壁上鑿石植木架飛橋五六丈始達洞門父老傳說明末時獻賊肆虐惟避亂於此洞者保全無害洞內高丈餘濶二三丈由洞而進里許一水橫隔溪流滾滾莫測其深淺亦不知其所自出也嘉慶三四年間於此設立糧臺鄉民之避難者皆聚此以獲安焉

七坵田在縣東五十里其田在半崖間上下皆峭壁中一路長數里磴中生一大崖屋覆於上高濶數丈崖屋內一大石週圍二丈餘高數尺上生成小石田七坵又

一石筍崖水下流於石筍後及於田七坵俱滿方溢於外其田縱橫整齊流水沿潑與田無二故名該處曾作古寨嘉慶五六年間屯軍糧於此處

楊泗洞在縣西南二十里其洞在王爺灘乃寧河出巫河之水徑也洞生半崖間上下左右數百丈盡屬絕崖洞中傳聞有王爺像洞外現出金轎杆二根遠望可見威靈顯赫行船過灘將覆者口喊王爺其船立刻飛渡故往來行船人人頂敬香烟不絕

龍穴洞在縣西七十里土連河全溪水盡入龍穴洞寬



丈餘深無底水入晝夜不息並無出路疑從地下流百  
餘里歸大江

夔州府志

卷六

山川

六二

